

UL MOSE'.

Se ul Mosè al pudéss parlà
di aduraziuum par Santa Maria dul Munt,
pelegrinagg ca sa pò mia smentegà
sü par i Capèll a pregà cun devuziuun.

Fedéij ca vegnivan da paées luntaan
süi carìtt, in di stràa cunt ul ciàr da lüna,
i fiöö durmènt, la man in dula man
a sugnà, l'òss da môrd e la ventulina.

Méssa granda cun la Cumüniuun,
pö giò da cursa in dul pravétt
a ciapà post par la culazuun
e fà fiadà i pée cunt i zibrétt.

Dò urett cumè 'n bôff hinn vugà via,
ul temp par 'na canzunéta da chi temp là,
ul litràtt par un regord fài in cumpagnìa,
tirànn l'è 'l temp.... La finiculàar l'è da ciapà.

Giò a Sant'Ambröös gh'è prunt carìtt e cavaij,
massée gh'hann cüràa ul viamènt in di stàll,
s'hinn scumudà a regöij e guvernài,
da bun Samaritàan, dagh cunfôrt e vütài.

Carletto BOSSI